

# TEZAU LITURGIC

8 IANUARIE

# ACATISTUL SF. MUCENIC ABO DE LA TBILISI



TBILISI, 2000



## აუჯდომელი წმიდისა დიდისა მოწამისა აბო ტფილელისა

ევედრებიან ხილულთა და უხილავთა მტერთაგან,  
ტყვეობისაგან ეშმაკთა და ბოროტთა სულთა  
მანქანებათაგან თავდასახსნელად, აგრეთვე ვნებათაგან  
სულიერთა და სენთაგან ხორციელთა  
განსაკურნებელად

### კონდაკი 1

ზეგარდამო წოდებულო, სარწმუნოო ქრისტეს მოწამეო  
აბო, შეიწირე სამადლობელი ესე გალობად, და მითხოვე  
ჩუენ ქრისტეს ღმრთისაგან მშჯდობით დაცვად  
მტერისა საბრჯეთაგან და სულთა ჩუენტა მოჰმადლოს  
შენ მიერ, წმიდაო, მოტევებად ცოდვათად და წყალობად,  
რადთა არა სამართლად მოგვეგოს საქმეთა ჩუენტათჳს,  
რომელნი სარწმუნოებითა გიღალადებთ: გიხაროდენ,  
დიდო მოწამეო აბო, სიქადულო ერისა ჩუენისაო და  
მცველო ტფილის-ქალაქისაო!

### იკოსი 1

ხენეშისა სარკინოზობისა დამტევებელმან, სახარებისა  
სჯული თჳსტომთა შენთა მოციქულებრივ ახარე და  
წყუდიადი აგარიანთა საცთურისად ღუაწლითა შენითა  
განაქარვე, ეგრეთვე აწ დაშრიტე ერსა ჩუენსა ზედა

აღმრულნი უკეთურთა ზრახვანი და ყოველნი  
ნათესავნი სამკვდროდსა ჩუენისანი  
მართლმადიდებლობასა და ერთსა ზრახვასა შინა  
განგუამტკიცენ, რადთა შენმიერთა ძლიერებითა  
სულისადთა შეჭურვილნი დაუცხრომელად  
გნატრიდეთ:

გიხაროდენ, მორჩო, ძირთაგან ურწყულთა  
აღმომორჩებულო;

გიხაროდენ, სიყრმითგან სიბრძნითა და კეთილ-  
გონიერებითა გამორჩეულო;

გიხაროდენ, უსჯულოთა შორის წმიდად და  
შეურყეველად ცხორებულო;

გიხაროდენ, უფლისა მიერ განბრძნობილო და  
განმტკიცებულო;

გიხაროდენ, ზუარაკო წმიდაო და უბიწოო, დრკუსა  
სამწყსოსა და მწყემსსა არა-ჭემმარიტსა, ბოროტ-  
მძოვნებელსა და ბილწსა განშორებულო;

გიხაროდენ, ტარიგო შუენიერო, მწყემსსა კეთილსა,  
ქრისტესა მაცხოვარსა შედგომილო და არვეთა შინა  
მისთა დამკვდრებულო;

გიხაროდენ, კელითა უღმრთოდთა მისთჳს დაკლულო  
და უკანადსკნელ ცეცხლსა შთაგზებულო;

გიხაროდენ, მსხუერპლად საზეკუროდ ტაბლასა  
ზეცისასა შეწირულო;

გიხაროდენ, ღუაწლითა წამებისადთა ცად აღწევნულო;

გიხაროდენ, ადგილსა განსუენებისასა და წიაღსა  
აბრაჰამისასა დამკვდრებულო;

გიხაროდენ, გზრგზნითა დიდმოწამეობისადათა  
განბრწყინვებულო;

გიხაროდენ, ისმაიტელ-ყოფილო აბო, წინაპართა  
ჩუენთა მიერ ქართველად სახელდებულო და მარადჟამ  
ვსენებულო;

გიხაროდენ, დიდო მოწამეო აბო, სიქადულო ერისა  
ჩუენისაო და მცველო ტფილის-ქალაქისაო!

## კონდაკი 2

ოდეს ქუეყანად ჩუენი ეპყრათ სარკინოზთა, ერის-  
მთავარი ქართლისად მოწოდებულ იქმნა ბაღდადს  
წინაშე ამირა-მუმნისა და შესმენითა ბოროტთა  
კაცთადათა პყრობილ-ყვეს მუნ სამითა წლითა, მაშინ  
მსახურ-ეყავ შენ ნერსეს, სჯულითა ისმაიტელი,  
განგებითა ღმრთისადათა და იხილე რად წესი  
ქრისტეანობისად და სჯული ქართველთად, ვითარცა  
ჭაბუკმან გონიერმან, ისმინე წოდებად ღმრთისად:  
უარყავ სჯული მამეული და შეიყუარე სარწმუნოებად  
ჭეშმარიტი, მოციქულთაგან ქადაგებული, ამისთვსცა  
ვსენებასა შენსა წმიდასა პატივს-ვსცემთ და ქრისტესა  
უგალობთ ყოველნი: ალილუია.

## იკოსი 2

ინებეს რაჲ უსჯულოთა განტევებაჲ ნერსწსა,  
წარმოგზავნეს კუალად ერისმთავრად ქუეყანასა თვისსა,  
ხოლო შენ აბრაჰამისი მოისიბრძნე გამოსლვაჲ  
მამულისაგან და სახლისა, და შესაკრებელი  
ბილწებათაჲ - ბაბილონი - მოიძულე და დაემკვდრე  
ტფილისსა - დედა-ქალაქსა ქართლისასა, გარნა ვერ  
განაცხადებდი თავსა თვისსა ქრისტეანედ, შიშისათჳს  
ქართლის მპყრობელთა მათ სარკინოზთაჲსა, და  
ფარულად ისმენდი რაჲ სიტყუათა საღმრთოთა და  
ქადაგებათა სჯულისათა, გარდაემატე სიყრმიტგან  
ღმრთისმსახურებასა შინა აღზრდილთა, ეგრეთვე აწ  
ჩუენცა მოგვანიჭე სიბრძნწ კეთილისა და ბოროტისა  
განრჩევისაჲ, რაჲთა სრულნი ყოვლითა კეთილითა,  
ვიტყოდეთ ძალისაებრ ჩუენისა:

გიხაროდენ, კეთილისა განზრახვისა გულსა შინა  
დამდებელო;

გიხაროდენ, სჯულთა გამომეძიებელო და უმჯობესისა  
უდარესისაგან განმრჩეველო;

გიხაროდენ, ქუეყანისა შენისა დამტევებელო და  
ღმრთისმშობლის წილ-ხუედრისა აღმრჩეველო;

გიხაროდენ, ჳმასა ღმრთეებისასა შედგომილო და  
მცნებათა მისთა გულსა შენსა აღმბეჭდველო;

გიხაროდენ, უღმრთოებისა სიმყრალისა განმდევნელო

და სიცრუვისა უღლისა განმგდებელო;  
გიხაროდენ, მამა-პაპათა საცთურისა უარისმყოფელო  
და ცხორებისა წესისა გამომცვლელო;  
გიხაროდენ, ძუელისა მის კაცისა განმძარცველო და  
ახლისა განმაცხოველებელო;  
გიხაროდენ, ჭემმარიტითა სარწმუნოებითა გულისა  
შენისა კეთილად განმწმედელო;  
გიხაროდენ, თვსტომთა შენთა შორის საღმრთოთა  
სწავლათა განმფენელო;  
გიხაროდენ, მათ მიერ დევნილისა სარწმუნოებისა  
აღმსაარებელო;  
გიხაროდენ, ხარკსა ქუეშე მათსა გუემულისა ერისა  
შემყუარებელო;  
გიხაროდენ, ზმენელსაცხებლეო, სულნელთა მათ  
საცხებელთა წილ სულიერისა კეთილსულნელებისა  
მომფენელო;  
გიხაროდენ, დიდო მოწამეო აბო, სიქადულო ერისა  
ჩუენისაო და მცველო ტფილის-ქალაქისაო!

### კონდაკი 3

კუალად განურისხდენ სარკინოზნი  
კეთილმორწმუნესა ნერსე ერისთავსა, გარნა უფალმან  
დაიცვა იგი ჯელთაგან მათთა, რამეთუ განვლო მან  
კარი დარიალისაჲ და მივიდა რაჲ მეფისა მის  
ხაზართაჲსა, კეთილად შეიწყნარეს იგი

ლტოლვილობისათვის სარკინოზთადასა, მაშინ ნათელ-  
ილე შენ, ნეტარო აბო, სახელსა ზედა წმიდისა  
სამებისასა და დაუბრკოლებელად უგალობდი  
დამბადებელსა ყოველთასა: ალილუია.

### იკოსი 3

რაჟამს ნერსჴს თანა წარემართე აფხაზეთსა, მგზავრ  
სლვასა შინა იმარხვიდი, ნეტარო აბო, და არა  
დასცხრებოდი ლოცვითა და ფსალმუნებითა, ხოლო  
მადლითა ღმრთისადათა მიიწიეთ რად სამთავროსა მას  
ქართველთასა და იხილეთ ღმრთისმოყუარებად  
ყოვლისა მის ერისად, ჯორცნი შენნი უფროდს  
მოაუძღურე მარხვთა, და ვნებათა აღძრვანი  
მოაკუდიენენ ლოცვთა და მღვძარებითა, ჩუენცა ნუ  
დაგვვიწყებ, სანატრელო, და გვკსენ რწმენისაგან არა-  
ცხოველისა და ნელ-ტფილისა, რადთა შურიტა  
საღმრთოდთა აღგზებულთა შეგასხათ სამადლობელი  
ესე ქებისად:

გიხაროდენ, მართლ-აღმსაარებელო და  
თაყუანისმცემელო წმიდისა სამებისაო;

გიხაროდენ, კმამალალო ქადაგო დევნილისა  
სარწმუნოებისაო;

გიხაროდენ, უფსკრულო სიბრძნისაო და თანაზიარო  
საღმრთოდსა სიყუარულისაო;

გიხაროდენ, სიმკნეო მოთმინებისა და სიმტკიცისაო;

გიხაროდენ, ჭურო კეთილისა ზნეობისაო და  
გონიერებისაო;  
გიხაროდენ, წყაროო ნუგეშისა და სიხარულისაო;  
გიხაროდენ, ზღუაო კაცთმოყუარებისაო;  
გიხაროდენ, ხატო სულიერისა სისრულისაო;  
გიხაროდენ, უძლეველო სუეტო სიმდაბლისაო;  
გიხაროდენ, უმუსრველო ძეგლო ქრისტეანობისაო;  
გიხაროდენ, მნათობო, განმაცისკრებელო ივერიისაო;  
გიხაროდენ, პატიოსანო მარგარიტო ქართველთა  
ეკლესიისაო;  
გიხაროდენ, დიდო მოწამეო აბო, სიქადულო ერისა  
ჩუენისაო და მცველო ტფილის-ქალაქისაო!

#### კონდაკი 4

რაჟამს სტეფანოზ, დისწული ნერსჷსა, დაადგინეს  
ერისმთავრად ქართლისა, სიხარულითა წარმოემართა  
ნერსჷ ქუეყანასა თჷსსა, გარნა შენ, ვითარცა  
სარკინოზსა, გრქუა მთავარმან აფხაზეთისამან: „ნუ  
განხუალ შენ ამიერ ქუეყანით, რამეთუ სამეფოო  
ქართლისაჲ სარკინოზთა უპყრიეს და ნუ უკუე  
განგდრიკონ შენ სარწმუნოებისაგან ქრისტჷსისა“,  
მაშინ შეუშფოთებელითა გონებითა მიუგებდი:  
„ვერარამან განმაშოროს მე სიყუარულსა უფლისა  
ჩემისასა“, და მჷსნელსა შესწირევდი ძღუენსა ქებისასა:  
ალილუია.

## იკოსი 4

ვითარ გესმა წიგნთაგან სულიერთა ახოვნებად  
პირველთა მათ მოწამეთად, რომელნი აჩუენებდეს  
სიმკნესა ქრისტწსთვს და განიცდიდეს ტანჯუათა,  
ეგრეთ აღეტყინე შენ ზეცისა სურვილითა და  
ისწრაფდი სისხლთა დათხევითა მსგავს ყოფად მათთა,  
ხოლო ნერსწს თანა მო-რაფ-იწიე დედა-ქალაქსა  
ქართლისასა, სახელს იდევ ქრისტეანედ და განფინე  
სწავლანი საღმრთონი სარკინოზთა შინა, ეგრეთვე აწ  
განაბრწყინვე გონებად ჩემი ხენეშთა  
გულისსიტყუათაგან დაბნელებული და ღირს-მყავ მე  
შეწირვად გალობისა:

გიხაროდენ, კაცთა ხელოვნებითა შეთხზულისა  
სჯულისა განმგდებელო;  
გიხაროდენ, ბნელისა დამტევებელო და ღმრთისა  
მეცნიერებისა ნათლისა აღმრჩეველო;  
გიხაროდენ, უცხოო, უცხოფთა სჯულითა მოსრულო  
და ქრისტწს, ღმერთისა ჩუენისა შემმეცნებელო;  
გიხაროდენ, მცნებათა მისთა შემყუარებელო და  
მადლთა ბრწყინვალებისა ღმრთივშვენიერად  
შემწყნარებელო;  
გიხაროდენ, სიბრძნით-მეტყუელო და საღმრთოთა  
წერილთა მართლიად აღმასრულებელო;  
გიხაროდენ, მოქალაქობასა შინა ჭემმარიტებისასა

სახარებისა სჯულთა მოციქულებრივ ახლად მიმფენელო;

გიხაროდენ, საღმრთოდასა შურისა და კრძალულებისა მასწავლელო;

გიხაროდენ, უბიწოდთა მოქალაქობითა სჯულნაცვალთა ქართველთა მარცხვენელო;

გიხაროდენ, ყოვლისა კეთილსა და ღმრთივ-სათნოდსა დამნერგველო;

გიხაროდენ, ქრისტწსთვს ყუედრებისა და კიცხევისა დამთმენელო;

გიხაროდენ, ყოველსა ჭეშმარიტებასა ზედა სარკინოზთა დამმოდღურელო;

გიხაროდენ, სულთა განმხრწნელთა სწავლებათა დამამჯობელო;

გიხაროდენ, დიდო მოწამეო აბო, სიქადულო ერისა ჩუენისაო და მცველო ტფილის-ქალაქისაო!

## კონდაკი 5

წარიკუეთეს რად თვსტომთა შენთა სასოებად გარდაქცევისა შენისაჲ, მჯეცებრ იღრჭენდეს კბილთა, რადთა მიგცენ სიკუდილსა და რქუეს ამირას: „ ქალაქსა ამას შინა არს ჭაბუკი ერთი, რომელსა დაუტევებიეს სჯული ჩუენი და უშიშად ასწავებს სჯულსა ქრისტეანეთასა“, მაშინ შეგიპყრეს და შეგაყენეს რად დილეგსა, გამოგითხოვა ქართლისა ერისთავმან და

განგიტევა, გარნა შენ ნებსით თვსით მიისწრაფდი  
ლუაწლთა მიმართ და ცხადად და საცნაურად  
უგალობდი ქრისტესა ღმერთსა: ალილუია.

## იკოსი 5

მაშინ უფროდს აღეგზნეს გულისწყრომითა უღმრთონი  
ისმაიტელნი და შურისგებითა კუალად წარგადგინეს  
რაჲ წინაშე მსაჯულისა, ლიქნითა იწყო მან სიტყუად  
შენდა მომართ: „რადსა-ესე შეგწამებენ შენ, აბო, რამეთუ  
დაგიტევებიეს მამეული სჯული და ქრისტეანეთა თანა  
შეცდომილ ხარ?, - „მშობელნი ჩემნი თუ ისმაიტელ  
არიან, მე მსახურ ვარ ჭემმარიტისა ძისა ღმრთისა“,  
მტკიცედ მიუგე ამირასა და თავი თვსი განუმზადე  
განსაცდელსა და სიკუდილსა, რომლისათვისცა ერნი  
საქართველოდსანი შეგასხამთ გალობასა ღირსსა:

გიხაროდენ, ურწმუნოთა სიმართლისა და  
ჭემმარიტებისა გზასა ზედა მომყვანებელო;

გიხაროდენ, მამაცობისა და ურყევისა სიმტკიცისა  
მომნიჭებელო;

გიხაროდენ, სიბრძნისმეტყუელებითა სწავლისაჲთა  
მუჰამედისა საცთურისა ძლევით მამხილებელო;

გიხაროდენ, ყოველთა მართლმორწმუნეთა  
ნუგეშინისმცემელო და ბოროტმადიდებელთა  
მარცხვენელო;

გიხაროდენ, მხილებისა მახვლითა ეშმაკისა მსახურთა

განმგმერელო;  
გიხაროდენ, მადლითა საღმრთოდთა უმეცართა  
განმაბრძნობელო;  
გიხაროდენ, მცირედ მორწმუნეთა რწმენასა შინა  
განმაძლიერებელო;  
გიხაროდენ, ჭეშმარიტებისა მეძიებლობითა  
აღძრულთა წარწყმედელთა გზათაგან განმაშორებელო;  
გიხაროდენ, საუფლოდსა ერისა სულიერისა ძილისაგან  
განმაფრთხობელო;  
გიხაროდენ, უნაყოფოდსა და ნელ-ტფილისა  
სარწმუნოებისა ჩუენისა განმაცხოველებელო;  
გიხაროდენ, ყოვლისაგან საქმისა ბოროტისა და  
აღძრვისაგან ჯორცთადასა გამომჯსნელო;  
გიხაროდენ, სულთა და ჯორცთა ვნებისა უშურველად  
განმკურნელო;  
გიხაროდენ, დიდო მოწამეო აბო, სიქადულო ერისა  
ჩუენისაო და მცველო ტფილის-ქალაქისაო!

## კონდაკი 6

„უკეთუ ნაკლულევანებისა შენისათჳს შედგომილ ხარ  
ქრისტეანეთა, მე უფროდსდა წყალობად მოგანიჭო შენ“ -  
გეტყოდა ზაკვთა უკეთური, ხოლო შენ უმეტესითა  
კადნიერებითა ესრეთ მიუგებდი: „არა ვეძიებ  
საბოძვართა შენთა, რამეთუ მე მონად ვარ ზეცათა  
მეუფისად, და საფასეთა მისგანვე მოველი“, მაშინ

გულისწყრომითა უბრძანა ამირამან მსგავსად  
მკსნელისა გუემაჲ შენი, გარნა შენ წყლულებასა  
ახოვნად დაითმენდი, და განმაძლი-ერებელსა შენსა  
ქრისტესა ჳმა-ტკბილად ადიდებდი: ალილუია.

## იკოსი 6

განარისხა მძლავრი კადნიერებამან შენმან და ძვრის-  
მოქმედებრ შეკრული საკრველითა მით რკინისაჲთა  
შთაგაგდო დილეგსა ბნელსა, გარნა შენ სიხარულითა  
ჳმადლობდი ღმერთსა, რომელმან ღირს-გყო გუემასა  
და პყრობილებასა სახელისათჳს ქრისტჳსისა და  
მოელოდი გვრგვნსა აღთქმისაებრ მოწამეთასა,  
რომელთა თანა აწ წინაშე მისსა კადნიერებითა  
მდგომარემან, ითხოვე შეურყეველად დაცვაჲ  
ეკლესიათაჲ, და მოცემად ჯუარითა ძლევაჲ ერსა  
ჩუენსა, სიმტკიცჳ მორწმუნეთა, და ცოდვათა  
შენდობაჲ შემსხმელთა შენთა:

გიხაროდენ, მამულისა შენისა დამტევებელო და  
ზეციერისა მამულისა აღმრჩეველო;

გიხაროდენ, ტყუეობასა შინა სულისა აზნაურებისა  
დამმარხველო;

გიხაროდენ, ლუაწლთა და განსაცდელთა ახოვნად  
თავს-მდებელო;

გიხაროდენ, საღმრთოთა ძალითა უსჯულოთა  
ისმაიტელთა მარცხვენელო;

გიხაროდენ, ჭეშმარიტებისა გზათაგან შეცთომილთა მამხილებელო;

გიხაროდენ, უმძვნვარესთა ჭირთა ლოცვასა და ფსალმუნებასა შინა დამთმენელო;

გიხაროდენ, ძლიერებითა სულისადათა კაცობრივისა უძლურებისა დამფარველო;

გიხაროდენ, ახოვნებითა გონებისადათა უწყალოდსა ბელიარისა დამამკობელო;

გიხაროდენ, შიშითა განლეულთა და ლერწამთაებრ შერყეულთა განმამკნობელო;

გიხაროდენ, საპყრობილესა შინა მშიერთა და ნაკლულევანთა გამომზრდელო და ღმრთისმოსაობასა შინა განმსწავლელო;

გიხაროდენ, სივერაგეთა კაცობრივთა და ზაკუითა მტერისადათა წარწყმედულთა დამკსნელო;

გიხაროდენ, მზაკუვარებისა დამლახვრელო და ეშმაკთა მსწრაფლ განმსკმელო;

გიხაროდენ, დიდო მოწამეო აბო, სიქადულო ერისა ჩუენისაო და მცველო ტფილის-ქალაქისაო!

## კონდაკი 7

მაშინ შეკრბეს შემასმენელნი შენნი და ცრუ-სჯულისა მასწავლელნი და გეტყოდეს სიტყვთა ლიქნისადათა:

„შჯლო, ნუ გაწირავ სიჭაბუკესა შენსა, რამეთუ ცეცხლი და მახვლი განგკმზადებიეს შენთვს, უკუეთუ არა

მოიქცე ჩუენდა“, ხოლო შენ, ვითარცა ყრუსა არა  
გესმოდა და, ვითარცა უტყუვმან, არა აღალი პირი  
თვსი, არამედ მდუმარედ ილოცევდი, დიდო მოწამეო,  
და სამთა ყრმათა გალობასა გულისა შინა შენსა იტყოდი:  
ალილუია.

## იკოსი 7

გაუწყა რად ქრისტემან ჟამი აღსრულებისა შენისად,  
ყოვლად ქებულო, საკმეველი და კელაპტარნი შესწირე  
ეკლესიათა, და ლოცვაჲ და კურთხევაჲ შესთხოვე  
მღდელთა, რადთა არა დაბრკოლდე სარწმუნოებისაგან  
ჭეშმარიტისა და ღირს იქმნე მადლსა მას ქრისტესს  
მოწამეთასა, რომელთა თანა ევედრე აწ  
ღუაწლისდამდებელსა შენსა, რადთა არასადა ღირს  
იქმნენ კაცნი ცრუნი და ურწმუნონი, რომელნიცა  
ჰგმობენ ჭეშმარიტსა ღმერთსა და აქუთ თაყუანის-  
საცემელად თვსად მამონად, მთავრობად ერსა ჩუენსა  
ზედა და მიტაცებად მართლმადიდებელთა  
ქართველთა, არამედ განგვიმრავლდეს ყოვლისა  
ქართველთ ზნეობითა სრულ-ყოფილნი ერის-  
მძღუარნი, რადთა ზრუნვიდეს ერისა ჩუენისათვს და  
ვმითა მადლო-ბისადთა ჰნატრიდეს სიმკნეთა შენთა:

გიხაროდენ, ჟამსა მას ისმაიტელთა დიდებასა ქრისტესს  
უღლისა მიმღებულო და ჯუარისა მისისა მკართა შენთა  
ზედა მტკრთველო;

გიხაროდენ, ახოვნებითა შენითა სულ-მოკლეთა და მოუთმენელთათჳს მაგალითისა მიმცემელო;

გიხაროდენ, ღმრთისმოყუარეთა გულთა შინა მადლისმიერისა სიხარულისა მიმფენელო;

გიხაროდენ, ქუადქმნილთა და ფიცხელთა გულთა მომაღბობელო;

გიხაროდენ, ყრმობრივისა ბორგნეულებისა და უკრძალველობისა მომძულელებელო;

გიხაროდენ, კეთილმორწმუნეთა მთავრობათა და მკედრობათა მაკურთხეველო;

გიხაროდენ, სიმართლისა მოძულეთა და ბოროტისა კეთილად დამდებთა მამხილებელო;

გიხაროდენ, საუფლოდსა ერისა მზაკუარებითა განმხრწნელთა მარცხვენელო;

გიხაროდენ, ნებელობითა თჳსითა სჯულის მდებელთა მათ, მრავალთა შემაცთუნებელთა, შემრისხველო;

გიხაროდენ, სილადითა აღტაცებულთა სარწმუნოებითა დამაწყნარებელო;

გიხაროდენ, სარწმუნოებისაგან განდრეკილთა და უსჯულოებისა მომქმედთა ერის მთავართა და წინამძღოლთა დამამკობელო;

გიხაროდენ, ამპარტავნებითა აღზევებულთა დამამდაბლებელო და ბრძენთა და კეთილად მხედველთა აღმამაღლებელო;

გიხაროდენ, დიდო მოწამეო აბო, სიქადულო ერისა ჩუენისაო და მცველო ტფილის-ქალაქისაო!

## კონდაკი 8

ღამისთევასა მას ქრისტეს ნათლისღებისასა განჰბრწყინდი შენ სულითა და აღანთენ რად სანთელნი კელთა შინა თვსთა, რკინითა შეჭედითა, დაუდუმებელად გალობდი და ფსალმუნებდი მდგომარჴ შეუძრველად, ხოლო განთენა რად პყრობილებითგან დღჴ მეთჴ, პარასკევი, დღჴ ვნებისად უფლისა ჩუენისად, თუალო მოწამეთაო აბო, იცხე ზეთი თავსა თვსსა, და მოილე რად ტკბილი იგი ზიარებად ქრისტჴსი, ნეტარისა მის ავაზაკისა მსგავსად ჳმობდი ძლიერად: „მომიჳსენე, მაცხოვარ, სასუფეველსა!“, და წადიერად და სურვილით უგალობდი ყოვლისა შემოქმედსა: ალილუია.

## იკოსი 8

კუალად მოგიხდეს სარკინოზნი და წარგადგინეს წინაშე მსაჯულისა, გარნა ღელვამან ვერ შეაშფოთა გული შენი, ოდეს უღმრთოდ იგი აღგითქმიდა სატანჯველსა და სიკუდილსა, არამედ მძლავრთა სიქადული სიმჳნითა შეურაცხ-ყვენ და განაქიქე სივერაგჴ ყოვლისა ცისქუემისა მძლავრებითა მპყრობელისად, ეგრეთვე აწ დაამჳყენ აღსპობისა

ჩუენისა წყურიელნი და დასთრგუნენ ერსა ჩუენსა ზედა აღძრული საიდუმლოდ იგი უსჯულოებისად, რადთა არა შთავვარდეთ საფრჯესა მტერისასა და გულსმოდგინებითა ვაქოთ საქმენი შენნი, ღირსი ქებისად:

გიხაროდენ, სიქადულო მმარხველთაო და შუენიერო სამკაულო მოწამეთაო;

გიხაროდენ, მობაძავო ქრისტჳს ვნებათაო და შემწყნარებლო აღთქმულთა მათ საშუებელთაო;

გიხაროდენ, მფარველო კეთილად განკრძალულთა მღდელთაო;

გიხაროდენ, შესავედრებლო და მწყალობლო გლახაკთაო;

გიხაროდენ, მამხილებლო ცრუთაო და მზაკუვართაო;

გიხაროდენ, მიურულეებლო მცველო უჰასაკოთა ყრმათა და ქალწულთაო;

გიხაროდენ, მზრდელო ქურივთაო და ობოლთაო;

გიხაროდენ, სირცხვილეულ-მყოფელო ცრუთა მსაჯულთაო და ნუგეშინისმცემლო უსამართლოდ დასჯილთაო;

გიხაროდენ, დამამდაბლებლო მოშურნეთაო და ცილისმწამებელთაო;

გიხაროდენ, ნავთსაყუდელო ცოდვისა ზღუასა შინა დანთქმულთაო;

გიხაროდენ, მარადის ჳელისაღმჰყრობლო

მარტვლთმოყუარეთაო;  
გიხაროდენ, შემწეო სახელისა შენისა  
მომკსენებელთაო;  
გიხაროდენ, დიდო მოწამეო აბო, სიქადულო ერისა  
ჩუენისაო და მცველო ტფილის-ქალაქისაო!

### კონდაკი 9

ჰგონებდა რად ყოვლად ბოროტი იგი ამირა ცთუნებასა  
შენსა, გრქუა: „არა გიცნობიეს, აბო, რამეთუ სიტყუანი  
შენნი გექმნებიან მომატყუებელ სიკუდილისა?“, გარნა  
შენ არად შეჰრაცხენ ლიქნად მისი და კადნიერად  
დაუყუნე პირი მძლავრსა მას მგმობარსა, მაშინ აღეგზნა  
ცეცხლებრ გულისწყრომითა მსაჯული იგი  
სიცრუვისად და ბრძანა თავისა შენისა წარკუეთად,  
ხოლო შენ ყოველთა უახოვნესი აჩუენე ღუაწლის-  
მოყუარებად და შესწირე ღმერთსა სამადლობელი  
გალობად: ალილუია.

### იკოსი 9

გალავანსა შინა ორმეოცთა მოწამეთასა განგიყუანეს  
რად მტარვალთა და განგკსნეს საკრველთა მათგან  
რკინისადთა, არა შეშინდი შენ, ღირსად ჩინებულო აბო,  
ხედევდი რად სამგზის აღმართებულსა მახვლსა,  
არამედ მკნედ მოუდრიკე ქედი შენი და შეჰვედრე  
წმიდად სული თვისი უფალსა, მაშინ უსჯულოთა

ჯელითა დაიკალ, ვითარცა კრავი, და შეიწირე  
მსხუერპლად წინაშე ღმრთისა, მისგანვე ითხოვე,  
სანატრელო, ერისა ჩუენისათჳს ჳსნად ფლობისაგან  
უცხო თესლთასა და უშფოთველი და გონიერი  
ცხორებად მაქებელთათჳს შენთა:

გიხაროდენ, საღმრთოდსა სარბიელისა კეთილად  
სრულმყოფელო;

გიხაროდენ, აღსასრულისა შენისა სიმშჳდითა  
შემწყნარებელო;

გიხაროდენ, უმოწყალოდსა სიკუდილისა მადლობითა  
მიმთუალველო;

გიხაროდენ, წმიდათა თანა სასუფეველსა  
დამკჳდრებულო და ცხონებისათჳს ჩუენისა  
მზრუნველო;

გიხაროდენ, შენდამი მოღტოლჳლთა ვნებულთა  
სულთა შემწყნარებელო;

გიხაროდენ, ვარსკულავო, ჳსნისა მეძიებელთათჳს  
გზისა მაჩუენებელო;

გიხაროდენ, ცოდვისა მოყუარეთა კაცთათჳს  
თავშეკავეებისა სიტკბოებისა მასწავლელო;

გიხაროდენ, ნაყოფითა სიმჳნეთა შენთადთა  
ქართლოსიანთა კეთილად განმსწავლელო;

გიხაროდენ, ღუაწლითა შენითა ქართველთა  
ეკლესიისა მზეებრ განმაბრწყინვებელო;

გიხაროდენ, ჳირთა მძჳნვარეთა მსწრაფლ

განმდევნელო;

გიხაროდენ, საეშმაკოდთა განსაცდელთაგან და კაცთა მიერ მაჭირვებელთაგან შერყეულთა უვნებელად გამომჯსნელო;

გიხაროდენ, მოწყლულთა უხილავთაგან მოისართა განმკურნელო;

გიხაროდენ, დიდო მოწამეო აბო, სიქადულო ერისა ჩუენისაო და მცველო ტფილის-ქალაქისაო!

### კონდაკი 10

ხედვიდეს რად მოშურნენი, რამეთუ განდიდნა სახელი წამებისა შენისაჲ, პატიოსანი გუამი შენი, მსგავსად მჯნეთა მათ წმიდათა ორმეოცთა, დადვეს ურემსა ზედა და განვლეს რად ხიდი იგი, გარდამოიღეს ადგილსა საგოდებელად წოდებულსა და დაწუეს სადილეგოსა, პირსა ზედა კლდისასა, ხოლო დაწულნი ნაწევარნი შთახვივნეს ტყავსა შინა კრავისასა და შთაყარ-ნეს მდინარესა, ქუეშე ხიდსა მათ მეტეხისაჲთა, მაშინ შიში უღმრთოთაჲ განაგდეს მორწმუნე-თა და სასოებითა მოლტოლვლნი ეძიებდეს რად შენგან კურნებასა სულთა და ჯორცთასა, მეყსეულად აჩუენე შეწევნაჲ შენი მუნ ლოცვად მოსწრაფეთა და ყოველნი მადლსა და დიდებასა მისცემდეს ღმერთსა: ალილუია.

## იკოსი 10

მაშინ უფროდს გამოაჩინა ძალი თვისი ყოვლად ძლიერმან ღმერთმან, და პატივ-გცა თვისსა მარტვლსა - გარდამოავლინა ზეცით ვარსკულავი მოტყინარს ადგილსა მას, სადაცა დაწუეს გუამი შენი, წმიდაო აბო, ვითარცა ლამპარი ცეცხლისად, ხოლო ღამესა მეორესა ძუალნი შენნი შიშუელნი ხიდსა მას ქუემე აღმობრწყინდა, ვითარცა საშინელება ელვისად, და წყალმან გამოსცა საკვრველი ნათელი, რომელსა ყოველი სიმრავლს ქალაქისად ხედვიდა, მაშინ ადგილი იგი სამსხუერპლოდ, ემსგავსა საკურთხეველსა წმიდისა აპრონისასა, ზეცით ცეცხლისა დადგრომითა, რომელსაცა ხედვიდეს რად ურწმუნონი, შიშმან საღმრთომან შეიპყრნა, ხოლო სასწაულთა მით ახოვან-ქმნილი ურიცხვი ერი ქრისტესა აღიარებდა და დაუცხრომელად გნატრიდა:

გიხაროდენ, სხურებითა სისხლთაჲთა ქართველთა ეკლესიისა განმასულნელებელო;

გიხაროდენ, სანთელო, წამებისა ნათლითა ტფილისისა განმაცისკროვანებელო;

გიხაროდენ, სასწაულთა მიერ სარკინოზთა შემაშფოთებელო;

გიხაროდენ, მათ მიერ ზარგანხდილთა

ქრისტესმოყუარეთა ერთა სულიერითა სიხარულითა

აღმავსებელი;  
გიხაროდენ, არაწმიდათა სულთა ზედა ჯელმწიფებისა  
მიმღებელი და სულთა უკეთურთა სიცბილისა  
მაოტებელი;  
გიხაროდენ, საღმრთოდთა ძალითა ეშმაკეულთათჳს  
სიმრთელისა მბოძებელი;  
გიხაროდენ, ჯადოქრულთა მანქანებათა და  
მცბიერებათა დამარღვეველი;  
გიხაროდენ, სოფლისა ღელვათაგან შერყეულთა და  
შეგინებულთა გულთა დამამშვიდებელი;  
გიხაროდენ, გრძნებისმოქმედთა და მჩხიბავთა  
უგულისკმოებისა და ბილწთა ზახებისა დამშრეტელი;  
გიხაროდენ, ტყუეობისაგან ეშმაკთა და ბოროტთა  
სულთა მანქანებათაგან დამკსნელი;  
გიხაროდენ, სატანისა მაკეთაგან და უცხო თესლთა  
ზედა-მოსღვისაგან დამცველი;  
გიხაროდენ, ცრუმორწმუნეობისა ბიწისა აღმკოცელი;  
გიხაროდენ, დიდო მოწამეო აბო, სიქადულო ერისა  
ჩუენისაო და მცველო ტფილის-ქალაქისაო!

## კონდაკი 11

ვითარცა მრავალმკურნალნი ძუალნი ყოვლად  
სანატრელისა მამისა შიოდსი, მღჳმით ქუეშე ქუეყანით  
ფრთივმაღლობით აღმოიწეოდა სიმაღლედ, მეოხად  
მორწმუნეთა და კურნებდა სულთა ჯორცთა, ეგრეთვე

წმიდათა შორის საკვრველმან ღმერთმან, საკვრველთმოქმედებითა ნაწილთა შენთადთა ყოველნი კიდენი სოფლისანი განაკვრვა, რამეთუ ძუალნი შენნი შიშუელნი, აღმოსრული წყლიდან დიდებითა, წლითი-წლად მიენიჭებოდა ერსა ჩუენსა ზღუდედ და მცველად, და კურნებასა და მადლსა ჭეშმარიტსა უშურველად მიჰმადლებდა მსასოებელთა შენთა, ხოლო მხილველნი შენ შორის მადლთა სულიერთა, ქებით აღამაღლებდენ გვრგვნოსანმყოფელსა შენსა ღმერთსა: ალილუია.

## იკოსი 11

ჟ, რაბამი დიდებულებაჲ შეგძინა შენ სიმკნემან შენმან, სანატრელო, რამეთუ ადგილსა მას სამარტკლოდსა შენისასა, ჟამთა ამათ ჩუენთა იზრახეს რაჲ აგებაჲ მცირისა ტაძრისაჲ, მოჰკუეთეს ფიჭჳ შუენიერი, რომელი აღმოაცენა განგებამან ღმრთისამან მდინარისა ნაპირად, და ნაკუეთსა ზედა ხისასა იხილეს ჳელთუქმნელი სახე ჯუარისაჲ, მაშინ ქვთ-ხუროთა აღაშენეს საყდარი ესე დიდისა გულსმოდგინებითა, ხოლო პატოსანთა მღდელთა, ერთა თანა, დაასუენეს მუნ ფიცარი ესე ღმრთივ-წერილი დიდისა გამოჩინებითა, ლიტანიითა და ესევითარითა გალობითა:

გიხაროდენ, წინამბრძოლო კეთილმსახურებისაო;

გიხაროდენ, შეუძრველო გოდოლო სარწმუნოებისაო;

გიხაროდენ, ყოვლად ქებულო მუშაკო საღმრთოდასა  
მადლისაო;

გიხაროდენ, შემმუსრველო ბოროტად მადიდებელთა  
კადნიერებისაო;

გიხაროდენ, აღმაორძინებლო დაცემულისა  
ქრისტეანულისა სულისაო;

გიხაროდენ, უწყალოდ მოსხლულო ვაზო ქრისტეს  
ვენაჯისაო;

გიხაროდენ, კეთილისა ნაყოფისა გამომღებლო ნერგო  
სამოთხისაო;

გიხაროდენ, ოქროო, ცეცხლისა მიერ გამობრძმედილო  
და მიძღვნილო უკუდავისა სიძისაო;

გიხაროდენ, მურო, ნელსაცხებელად შეწირულო  
უკუდავისა მეუფისაო;

გიხაროდენ, გუნდრუკო, აღკმეულო საღმრთოდასა მის  
საკურთხეველისაო;

გიხაროდენ, ცეცხლო, დამწველო გულსა შინა ჩუენსა  
ყოვლისა ღუარძლისაო და კუროდსთავისაო;

გიხაროდენ, წარუტყუევნელო ბჭეო ივერთა  
ეკლესიისაო;

გიხაროდენ, დიდო მოწამეო აზო, სიქადულო ერისა  
ჩუენისაო და მცველო ტფილის-ქალაქისაო!

## კონდაკი 12

ეჰა, საკვრველი ყოვლად დიდებული და ღირსი, რამეთუ სისხლთა შენთა დათხევითა წმიდა ყავ დედაქალაქი ჩუენი - ტფილისი - და საღმრთოდთა წინაგანგებითა ათთა-ბევრთა მოწამეთა განუმზადე ალაგნი მეტეხისანი, ხოლო მათ არა დასთრგუნეს ხატნი სიონისანი და საშუალ მეტეხისა ხიდისასა ხუარაზმელთა მიერ განურჩევლად მოსწყდეს ყოველნი, ამისთჳსცა უფლისა მიერ ერთობითა მიებოძნეთ ივერიელთა, ვითარცა სულთა და ჳორცთა მკურნალნი და მცველნი მიურულებელნი, ხოლო ჩუენ ვიცით რად ოხათა თქუენტა სიმრა-ვლენი, წინაშე ხატთა თქუენტა სარწმუნოებით შევრდომილნი მკურვალედ გევედრებით: დაიცევით სამეუფოდ ქალაქი ჩუენი, და ყოველნი ქალაქნი და სოფელნი ივერიისანი, რადთა გულსმოდგინებითა გნატრიდეთ თქუენ და ვიყუნეთ მარადის ქრისტეს მაქებელნი: ალილუია.

## იკოსი 12

ვითარცა წინაპარნი ჩუენნი მიისწრაფდეს ადგილსა მას, სადა იგი დაწუეს გუამი შენი, და სარწმუნოებითა მიიღებდეს თხოვასა, ეგრეთვე აწ ტაძრად შენდა მყის სრბად მოვიწევით: ნეტარო აბო, მადლისა მიცემად ღმრთისა, თაყუანისცემად ჯუარისა მის წმიდისა და

ამბორისყოფად ყოვლად პატიოსნისა ხატისა შენისა, ხოლო შენ მკურვალედ ლოცვაჲ ჰყავ ჩუენთჳს წინაშე უფლისა ღმრთისა, რადთა არა განუდგეთ სარწმუნოებასა ჭეშმარიტსა და შენ მიერ ვსნილნი ძკრთა ბოროტთაგან, აღვიძრნეთ შესხმად ღუაწლისა შენისა:

გიხაროდენ, ზეცისა ქალაქისა მოქალაქეო, რამეთუ უგუნურთა შემწირველთა შენთა მახვლითა და ცეცხლითა უმეტეს ალისა განგაბრწყინვეს შენ; გიხაროდენ, საკვრველო ყრმაო, მძლეთა უმძლესად გამოჩინებულო, რამეთუ წარმართნი წადიერ ჰყუენ ქრისტეს მონებად, ხოლო ჩუენ დაგვტევე საჯსენებელი მარტვლობისა შენისაჲ;

გიხაროდენ, რამეთუ გამოსჩნდი ვარსკულავად მნათობად, განმანათლებელად ქართლისა და სიმცნს შენი კუალად განამცნევებს ყოველთა მკვდრთა მისთა; გიხაროდენ, ვარდო ეკალთაგან გამორჩეულო, რომელი ფშვი სულნელებასა ყოველთა კიდეთა ქუეყანისა ჩუენისათა;

გიხაროდენ, ღმრთისა ძალითა კეთილად აღჭურვილო, რამეთუ ზღუდედ უბრძოლველად გვვის საკვრველებანი შენნი;

გიხაროდენ, ათთა ბევრთა მოწამეთათჳს მაგალითისა მიმცემელო, რამეთუ იქმნა დედა-მდინარს ჩუენი სამოსელ წმიდათა მათ ძუალთა თქუენთა და სიღრმს

იგი მტკუარისად საფლავ თქუენდა;  
გიხაროდენ, ცხოვარნო პირმეტყუელნო ქრისტჳს  
წმიდისა სამწყსოდსანო, რამეთუ ნეტარ არს მიწაჲ იგი,  
რომელი განიპოხა სისხლითა თქუენითა და წმიდა არს  
წყალი იგი „ქართველთა იორდანისაჲ“ - დიდისა მის  
მდინარისა მტკუარისაჲ;  
გიხაროდენ, უმკურვალესად ქრისტჳსთჳს  
თავდადებულნო, რამეთუ ადგილი წამებისა  
თქუენისაჲ მარადის აღმოაცენებს უფსკრულსა  
კურნებათასა;  
გიხაროდენ, ეკლესიისა სასანთლენო ოქროცურვილნო,  
რამეთუ ეღვარებაჲ ღუაწლისა თქუენისაჲ ცისკროვან-  
ჰყოფს გულსა მარტვლთმოყუარეთასა;  
გიხაროდენ, უხრწნელებითა შემოსილნო, რამეთუ  
ვერცა წელთა ცვალებამან და ვერცა ჟამთა ვითარებამან  
შეუძლო დავიწყებად ღუაწლთა თქუენთა;  
გიხაროდენ, ხილულისა და უხილავისა მტერისა  
ღონისა შემმუსრველნო, რამეთუ არავინ არს რომელი  
გხადოდეს თქუენ ჭირთა შინა და არაჲ ჰპოვოს  
მსწრაფლ ნუგეშინისცემაჲ;  
გიხაროდენ, რამეთუ დიდებულსა ჳსენებასა შენსა  
დედა-ქალაქი ესე ქართველთაჲ უნივთოდთა  
სიხარულითა შეიმკუების და კურთხეულითა ენითა  
ქართულითა ღაღადებს წადიერად:

გიხაროდენ, დიდო მოწამეო აბო, სიქადულო ერისა ჩუენისაო და მცველო ტფილის-ქალაქისაო!

### კონდაკი 13

ჟ, ლუაწლისა მძლეო, დიდო მოწამეო აბო! არა მხოლოდ ჯერეთ ცოცხალმან მრავალნი განდრეკილნი ქრისტეს სარწმუნოებისა მიმართ გარდამოიყუანე და ღირს-ყვნე ცხოვნებასა, არამედ შემდგომად სიკუდილისაჲცა თქუმად შეუძლებელ არს ძალი სასწაულთა შენთაჲ, რამეთუ მაღლი მოიგე სულისაგან წმიდისა განკურნებად შემსხმელთა შენთა, ამისთჳსცა ყოვლითურთ თავსა ჩუენსა შევვედრებთ საღმრთოსა საფარველსა შენსა, რადთა სიბრძნით ვიდოდეთ გზასა ჭეშმარიტებისასა და მარადის უგალობდეთ სახიერსა, ყოვლად ძლიერსა ღმერთსა: ალილუია. *ეს კონდაკი ითქმის 3-გ ზის, შემდეგ*

